

**АТ Халқ банкининг Режали тўлов кобрендинг  
картасидан фойдаланиш тўғрисида  
\_\_\_\_\_ сонли шартнома**

**Тошкент ш.**

20\_\_ йил «\_\_» \_\_\_\_\_

Ўзбекистон Республикаси акциядорлик тижорат Халқ банки номидан (кейинги ўринларда «**Банк**» деб номланади) иш юритувчи, \_\_\_\_\_ филиал Устави ва 20\_\_ йил \_\_\_\_\_ даги \_\_\_\_\_-сонли ишончнома асосида иш юритувчи, банкнинг \_\_\_\_\_ вилояти (шаҳар) \_\_\_\_\_ филиали Чакана хизматлар бўлими бошлиғи \_\_\_\_\_, бир томондан ва \_\_\_\_\_ бундан буён “**Тўлов карта эгаси**” деб юритилади, иккинчи томондан, ушбу шартномани қуйидаги мазмунда туздилар.

### **ШАРТНОМА МАЗМУНИ**

Мазкур шартнома Режали тўлов карта эгаси ва Банк ўртасидаги ўзаро муносабатларни тартибга солади.

Банк ушбу шартнома шартларига асосан Режали тўлов карта ҳисоб рақамига қарз маблағларини ажратиш, Режали тўлов карта эгаси банк томонидан ажратилган қарз маблағларидан фойдаланган қисмини ушбу шартнома шартларига асосан, белгиланган муддатда қайтариш мажбуриятини олади.

### **АТАМАЛАР**

1. **Режали тўлов кобрендинг карта (тўлов карта)**– банк билан тузилган қарз шартномаси шартларига асосан Ҳамкор ташкилотлардан банк томонидан белгиланган лимит доирасида истеъмол товарлари ва хизматларни сотиб олиш учун мўлжалланган банк тўлов картаси.
2. **Режали тўлов қарзи** – банк билан мижоз ўртасида тузилган қарз шартномасига ва тўлов графигига асосан қайтарилиши лозим бўлган сумма. Тўлов графиги Ҳамкор ташкилот шартларидан келиб чиқиб, 12 (ўн икки) ой муддатга берилади.
3. **Режали тўлов муддат** – Ҳамкор ташкилотларда ишлатилган Режали тўлов қарзи суммаси учун банк томонидан фоиз ҳисобланмайдиган давр.
4. **Режали тўлов кобрендинг карта сақловчиси (қарз олувчи)** – пластик картани эмиссия қилган банк билан тузилган шартномага асосан фойдаланадиган банк картасидан мижоз ёки у ваколат берган шахс.
5. **Қарздор** – Режали тўлов кобрендинг карта сақловчиси бўлган фуқаро (мижоз);
6. **Ҳамкор ташкилотлар** – банк билан тузилган ҳамкорлик шартномасига асосан товарлар ва кўрсатилган хизматлар учун Халқ банкининг Режали тўлов кобрендинг картасини тўловга қабул қиливчи тадбиркорлик субъектлари.
7. **Ҳамкор ташкилотга бириктирилган махсус терминал** - Режали тўлов кобрендинг карталардан тўловни қабул қилишга мўлжалланган, алоҳида 235XX- транзит ҳисоб рақамига бириктирилган махсус терминал.
8. **Банк тарифи** - пластик карталар орқали амалга ошириладиган ҳамма турдаги тўловлар ва операциялар бўйича банк томонидан олинadиган хизмат хақи миқдорлари белгиланган тарифлар.

### **1. УМУМИЙ ҚОИДАЛАР**

1.1. Банк тўлов картаси ҳисоб рақамига қарз маблағлари банкнинг ички меъёрий ҳужжатларига асосан тегишли ҳужжатлар тўлиқ тақдим этилган вақтда ажратилади ҳамда карта **5 (беш) йил** муддатга очик қарз линияси билан муомалага чиқарилади.

1.2. Тўлов картага қарз лимити мижознинг тўлов қобилиятидан келиб чиқиб, муддатлилик, қайтариш шартлари асосида фақатгина ушбу шартноманинг иловасида келтирилган ҳамда банкнинг расмий сайтида эълон қилиб бориладиган Ҳамкор ташкилотлар тақдим этаётган товар ва хизматларни сотиб олиш мақсадида қарз маблағларидан фойдаланганлик учун фоиз тўламаслик шарти билан берилади.

1.3. Тўлов картадан Ҳамкор ташкилотда ишлатилган қарз суммаси ушбу шартноманинг иловасида ва банкнинг расмий сайтида эълон қилиб бориладиган Ҳамкор ташкилотлар қирқимида кўрсатилган муддатда қопланиши лозим.

1.4. Тўлов картада қарз лимити 9 000 000 (тўққиз миллион) сўмни ташкил этади.

1.5. Тўлов карта муддати тугаганда, йўқолган ёки фойдаланишга яроқсиз ҳолга келган ҳолда унинг ўрнига янгисини очиб бериш пластик карта эгасининг аризасига ва шахсини тасдиқловчи ҳужжат асосида 3 банк иш кунида (амалдаги Банк тарифида белгиланган миқдорда тўлов ундирилгандан кейин) амалга оширилади.

1.6. Тўлов картадан фойдаланишда уч марта нотўғри ПИН код терилганда, карта таъқиққа (блокка) тушади ва уни қайта муомалага киритиш карта эгасининг аризаси асосида пластик картани муомалага чиқарган Халқ банки филиали томонидан амалга оширилади.

## **2. БАНК МАЖБУРИЯТЛАРИ ВА ҲУҚУҚЛАРИ**

2.1. Режали тўлов карта эгасининг аризаси ва банкнинг кредит сиёсатида асосан барча талаб этилган ҳужжатлар тўлиқ тақдим этилганда, филиал кредит комиссиясининг қарз ажратиш бўйича қарорига асосан карта эгаси номига Режали тўлов карта ҳисобварағи ва тўлов картасини очади.

2.2. Карта сақловчисининг карта йўқолганлиги тўғрисидаги аризасига асосан пластик картани таъқиққа қўйиш бўйича барча зарурий чораларни кўради.

2.3. Тўлов карта эгасини амалдаги Банк тарифлари билан таништиради.

2.4. Банк қўйидаги ҳолларда тўлов картани таъқиққа қўйиш ҳуқуқига эга:

- қонунчиликда белгиланган тартибда ҳуқуқни муҳофаза қилиш органлари ва суднинг қарорларига асосан;

- ушбу шартнома шартлари бузилганда.

2.5. Тўлов карта ҳисобварағига қарз лимити нотўғри очилган ҳолда лимитни акцептсиз орқага қайтаради.

## **3. ПЛАСТИК КАРТА ЭГАСИНИНГ МАЖБУРИЯТЛАРИ ВА ҲУҚУҚЛАРИ**

3.1. Ушбу шартнома шартлари тўлов карта эгаси томонидан бузганлиги натижасида банкка етказилган зарарни қоплайди.

3.2. Тўлов картани банкдан олган вақтнинг ўзида ПИН кодини ўзгартиради.

3.3. Яшаш манзили ёки паспорт маълумотлари ўзгарганда дарҳол банкка хабар беради.

3.4. Тўлов карта орқали банк томонидан ажратилган қарз маблағларини ушбу шартномада белгиланган муддатда, карта ҳисоб рақамига нақдсиз ёки нақд пул кирим қилиш йўли билан қоплаш мажбуриятини олади.

3.5. Тўлов карта йўқолганлиги тўғрисида банкка ёзма равишда хабар беради. Ёзма равишда хабар бермаганлиги натижасида пластик карта орқали амалга оширилган тўловлар тўлов карта эгаси томонидан қопланади.

3.6. Тўлов карта ҳисоб рақами айланмаларидан кўчирма олиши мумкин.

## **4. ТОМОНЛАРНИНГ ЖАВОБГАРЛИГИ**

**Банк қўйидаги мажбуриятларни бажариш бўйича жавобгардир:**

4.1. Тўлов карта эгаси томонидан пластик картани таъқиққа қўйиш бўйича ёзма равишда ариза билан мурожаат этилган куннинг ўзида уни таъқиққа қўйиш.

4.2. Банк қўйидаги ҳолатларда жавобгарликни ўз зиммасига олмайди:

- карта эгаси томонидан шартнома шартлари бажарилмаганда;

- карта эгасининг эҳтиётсизлиги туфайли унинг пластик картасидан (“ПИН” кодидан) бошқа шахслар фойдаланганда.

**Карта эгаси қўйидаги мажбуриятларни бажариш бўйича жавобгардир:**

4.3. Ушбу шартнома шартлари бажарилмаганлиги натижасида банкка етказилган зарар миқдорини қоплайди.

4.4. Банкка тақдим қилинган маълумотларнинг ҳаққонийлигига жавобгардир.

4.5. Тўлов карта орқали тақдим этилган қарз маблағларни ушбу шартнома иловасида ва банкнинг расмий [xb.uz](http://xb.uz) сайтида ҳамкор ташкилотлар шартларидан келиб чиқиб ҳар бир ҳамкор ташкилот учун алоҳида кўрсатилган муддатларда банкка тўлиқ қайтаради.

4.6. Тўлов карта эгаси муддати ўтган қарздорлик учун банкка ҳар бир муддати ўтган кун учун муддати ўтган қарз миқдорининг 0,1 фоиз миқдорида муддати ўтган қарздорликнинг 50 фоизидан ошмаган миқдорда жарима тўлайди.

4.7. Жарима тўлаш тўлов карта эгасини қарз маблағларини қайтариш мажбуриятидан озод этмайди.

4.6. Тўлов картанинг ПИН кодини бошқа шахсларга ошкор қилмасликка, эҳтиётсизлик туфайли пластик картадан (“ПИН” кодидан) бошқа шахслар фойдаланганда оқибати бўйича жавобгардир.

## 5. ФОРС-МАЖОР

5.1. Томонлар тарафидан ўз мажбуриятларини бажармасликлари ёки лозим даражада бажармасликлари енгиб бўлмайдиган куч (форс-мажор ҳолатлар) туфайли келиб чиққан ҳолларда томонлар жавобгарликдан озод этилади. Бартараф қилиб бўлмайдиган вазиятлар улар ваколатли органлар томонидан белгиланган тартибда тасдиқланганидан сўнг форс-мажор деб ҳисобланади.

## 6. ШАРТНОМАНИНГ АМАЛ ҚИЛИШ МУДДАТИ ВА УНИНГ ТУГАТИЛИШИ

6.1. Ушбу шартнома имзоланган кундан бошлаб кучга киради ва ушбу шартноманинг 1.1.-бандида кўрсатилган Тўлов картанинг амал қилиш муддатига мутаносиб равишда амал қилади, агар томонлар тарафидан шартномани тугатиш бўйича шартнома амал қилиш муддати тугагунга қадар 30 календар кун ичида ёзма хабар берилмаса, шартнома автоматик тарзда кейинги муддатларга узайтирилган ҳисобланади.

6.2. Шартнома томонларнинг ёзма огоҳлантиришига асосан муддатдан олдин тугатилиши мумкин.

6.3. Томонлар мазкур шартнома бўйича махфийликни сақлаш бўйича жавобгардирлар.

6.4. Тўлов карта ва тўлов карта ҳисоб рақами тўғрисидаги маълумотлар қонунчиликда белгиланган тартибда ҳуқуқни муҳофаза қилиш органлари ва судларга уларнинг қарорларига асосан тақдим этилади.

## 7. НИЗОЛАР ҲАЛ ЭТИЛИШИ ВА ЯКУНИЙ ҚОИДА

7.1. Томонлар ўртасида келиб чиқадиган низолар ўзаро келишув ёки амалдаги бошқа қонунчилик ҳужжатларига асосан суд тартибида ҳал этилади.

7.2. Ушбу шартнома бир хил юридик кучга эга бўлган икки нусхада тузилган бўлиб, томонларда бир нусхадан сақланади. Шартномага ўзгартиришлар томонлар тарафидан ўзаро келишган ҳолда ёзма равишда киритилади.

## 8. ТОМОНЛАРНИНГ МАНЗИЛИ:

“Банк”	“Тўлов карта эгаси”
<b>Акциядорлик тижорат Халқ банки _____ филиали</b> <b>Манзил:</b> _____ шаҳар, _____ тумани _____ кўчаси ____-уй. МФО _____; ИНН: _____; Х/Р: _____ Тел: (____) _____-____-____ Чакана хизмат бўлими бошлиғи:  _____._____._____  Бош бухгалтер в.в.б:  _____._____._____  М.Ў.	_____ Манзил: _____ ш. _____, _____ мавзе ____-уй, _____-хонодон, Паспорт: ____ _____ шаҳар _____ тумани ИИБ томонидан _____.20____ йил берилган. Тел: (____) ____-____-_____  Шартнома шартлари ҳамда банкнинг амалдаги тарифлари билан танишдим ва розиман  _____._____._____